



16 DAYS OF ACTIVISM AGAINST GENDER VIOLENCE
16 DÍAS DE ACTIVISMO CONTRA LA VIOLENCIA DE GÉNERO
16 JOURS D'ACTIVISME CONTRE LA VIOLENCE DE GENRE
25 NOV - 10 DEC <http://16dayscwg.rutgers.edu>



INFO STRANICA #1

Povezivanje ženskih prava, ljudskih prava i i mirovnih pokreta kako bi se izazvao militarizam i zaustavilo nasilje protiv žena – Tokom proteklih decenija, pokreti za ženska prava, ljudska prava i mir su se zalagali za korištenje mirnih strategija zaustavljanja sukoba i nasilja, kao i postizanja ženskih prava. Ovi pokreti izazivaju socijalne strukture koje dozvoljavaju da se diskriminacija nastavi. Iako možemo imati različite pristupe u procesu postizanja pravednijeg svijeta, zalaganje u ovim područjima je usko povezano sa propitivanjem militarizma i promovisanjem mirovnih, feminističkih alternativa.

Feministička teorija naglašava potrebu za multisektorskim pristupom, što podrazumjeva istraživanje načina na koje problemi, kako što su sigurnost hrane, narušavanje okoliša, korporacijski interesi, reproduktivna i seksualna prava, religijska netolerancija, rasizam i dr. imaju dodira sa militarizmom. Prepoznavanje ovih veza naglašava načine na koje različiti pokreti mogu postići napredak u borbi protiv militarizma. Imajući na umu ove veze kako bi se pokrenula transformacijska promjena, od ključne je važnosti da pokreti za ženska prava, ljudska prava i mir dijele informacije. Jednako su važne diskusije na međunarodnom nivou, kako bi se demonstrirali načini na koje se mir u kući prenosi van nje i kako se vezuje za mir u svijetu.

Mnogim ljudima osjećaj sigurnosti ima malo veze sa oružjem i vojskom. Više od toga, sigurnost je povezana sa slobodom kretanja, slobodom izražavanja, zaposlenjem, imanjem dovoljno hrane i pristupa pitkoj vodi, vezama sa voljenim osobama i drugo. Pristup ljudskih prava koji u prioritet stavlja realnost žena može pomoći u kanalisiranju ovih težnji i promovisanju činjenice da je mir nužan za postizanje razvoja i stvarne sigurnosti.

Kada su aktivnosti usmjerene na ključne strukture moći koje promovišu i održavaju nasilje nad ženama, ponekad je teško znati gdje i kako početi. Jedno od pitanja koje je nužno postaviti glasi, „Ko ostvaruje profit“? Sukobi su veoma često povezani sa kontrolom resursa unutar nečeg što se uobičajeno naziva vojno industrijski kompleks. Unutar ovog konteksta, proizvodnja i prodaja oružja nastavlja biti vodeća globalna industrija. Osim toga, vojne i pobunjeničke trupe su često umješane u kršenja ljudskih prava i finansiranje sukoba putem resursa koji su dobijeni putem konflikta. Vezane ulazne tačke uključuju zagovaračke napore usmjerene na javne budžete, vojnu potrošnju, inostranu i vojnu pomoć i multi-nacionalne korporacije koje su direktno ili indirektno umješane u područja sukoba.

Bez obzira na to koju 'polaznu tačku' izaberete za svoje zalagačke aktivnosti, nadamo se da ćete tokom realizacije ovogodišnje Kampanje 16 Dana aktivizma protiv rodnog nasilja potražiti nove partnere unutar različitih pokreta. Možemo ostvariti mnogo veći uticaj putem kolektivne akcije!

“U svijetu kontinuirane nestabilnosti i nasilja, nužna je hitna realizacija kooperativnih pristupa miru i bezbjednosti. Ravnopravan pristup i učešće žena u strukturama moći i njihova puna uključenost u sve napore usmjerene ka sprečavanju i suzbijanju sukoba su od ključne važnosti za održavanje i promovisanje mira i sigurnosti.”

- Pekinška platforma za akciju, E 134

“Svi smo pozvani da radimo zajedno za mir. Udružićemo ruke i misli da radimo za mir putem aktivnog nenasilja. Pomoći ćemo, ohrabriti i učiti jedni od drugih kako da postignemo mir za našu djecu i sve druge ljude.”

- Mairead Corrigan-Maguire,
Sjeverna Irska, Dobitnica Nobelove nagrade za mir 1976.g.

“Svako ima pravo na život, slobodu i sigurnost.”

- Član #3, Univerzalne deklaracije o ljudskim pravima

“Ja sam jedina, ali sam još uvijek jedna. Ne mogu učiniti sve, ali još uvijek mogu učiniti nešto. Neću odbiti da učinim nešto što mogu učiniti.”

- Helen Keller (1880-1968)

Aktivistkinja za prava osoba sa invaliditetom iz SAD-a

Predložene aktivnosti

- **Lobirajte svoju vladu:** Savjet bezbjednosti UN-a je usvojio [brojne rezolucije](#) (1325, 1820, 1888, 1889, i 1960) vezane za žene, mir i sigurnost i time pozvao vlade država članica da se obavežu na njihovu primjenu u praksi. Postavite pitanje svojoj vladi kako planira da djeluje u pravcu primjene ovih rezolucija i lobirajte za učešće žena u donošenju odluka u vezi sa mirom i pitanjima bezbjednosti na svim nivoima, uključujući i mirovne pregovore; demobilizaciju; razoružavanje; repatrijaciju; povratak i reintegraciju; proces pomirenja i reparacije; izgradnju mira, oporavak i rekonstrukciju.
- **Povežite pokrete:** U pripremama za realizaciju Kampanje 16 Dana aktivizma protiv rodnog nasilja, kontaktirajte organizacije čiji je rad usmjeren na promociju ženskih prava, ljudskih prava i izgradnju mira, sa kojima do sada niste saradivali i pozovite ih da vam budu partneri u aktivnosti koju ćete realizovati tokom Kampanje. Ukoliko je to moguće, organizujte sastanak planiranja prije realizacije aktivnosti kako biste imali priliku da naučite o međusobnim aktivnostima i stavovima.
- **Monitorirajte potrošnju iz javnog budžeta:** Međunarodna liga žena za mir i slobodu (WILPF) je provela proces prikupljanja informacija o potrošnji za vojsku u različitim zemljama i sastavila je vodič za poređenje vojne potrošnje, koji je uključen u ovaj Resursni paket. Koristite njihove parametre kako biste istražile vojnu potrošnju u vašoj zemlji i pošaljite rezultate vaše analize WILPF i Centru za globalno liderstvo žena (CWGL)!
- **Slijedite novac:** Vlade nisu jedine koje su uključene u biznis ratovanja. Istražite koje kompanije ostvaruju profit od sukoba ili koriste 'minerale konflikta,' i napišite protestno pismo ili razmotrite bojkotovanje njihovih proizvoda.
- **Proslavite:** Imati pozitivne uzore i slušati uspješne priče o mirovnom aktivizmu žena predstavljaju važan segment rasta naših pokreta. Ovi primjeri nas inspirišu da nastavimo sa našim aktivizmom u teškim vremenima i podsjećaju nas da smo svi dio moćnih globalnih nastojanja ka pozitivnim promjenama. Tokom ovogodišnje Kampanje 16 Dana aktivizma protiv rodnog nasilja proslavite pozitivne uzore u vašem životu i podjelite priče o drugim ženama čiji aktivizam vodi promjenama širom svijeta. Posjetite [Mirovne Žene Širom Svijeta](#) kako bi ste pročitali o 1,000 žena koje su nominovane za Nobelovu nagradu za mir u 2005.g. i naučite više o njihovom hrabrom i kreativnom radu usmjerenom ka miru i socijalnoj pravdi!
- **Šta za vas znači sigurnost?:** Ove godine, CWGL vas poziva da učestvujete u projektu za međunarodnu Kampanju 16 Dana aktivizma u pravcu redefinisanja "bezbjednosti." Napravite video poruku u trajanju od 30 sekundi, postirajte je na Youtube ili drugu video hosting web stranicu, i pošaljite link CWGL-u putem web stranice. Putem ovog linka nam takođe možete poslati kratke pisane izjave: <http://16dayscwgl.rutgers.edu/2011-campaign/qwhat-is-securityq-submissions>.

Resources

- Amnesty International: <http://www.amnesty.org/en/human-rights/human-rights-by-topic>
- AWID: Izgradnja Feminističkih Pokreta: <http://awid.org/Our-Initiatives/Building-Feminist-Movements-and-Organizations>
- FemLINK Pacifik: www.femlinkpacific.org.fj
- Gender Akcija za Mir i Bezbjednost: <http://www.gaps-uk.org/>
- Globalni Dan Akcije o Vojnoj Potrošnji: <http://demilitarize.org>
- Globalna Mreža Žena Graditeljica Mira: <http://www.gnwp.org/>
- Human Rights Watch: <http://www.hrw.org/>
- Međunarodni Mirovni Biro: <http://ipb.org/i/index.html>
- NVO Radna Grupa o Ženama, Miru i Bezbjednosti: <http://www.womenpeacesecurity.org/>
- WILPF. (2009) *Dobijaš Ono Što Platiš*. Dostupno na internetu od Međunarodne Lige Žena za Mir i Slobodu: http://www.peacewomen.org/portal_resources_resource.php?id=528
- Žene, Rat i Mir (UN Women): <http://www.womenwarpeace.org/>

Translation provided by Aleksandra Petrić, United Women Banja Luka

<http://www.unitedwomenbl.org>

